

Riikksuávtõõzz asetõs

sää'm äimmõs-suávtõõzzâst

Riikksuávtõõzz tu'mmstõõgg meáldlânji šiotteet äimmõslää'jj (423/2022) 21 § nuájain:

1 §

Tuáj

Äimmõslää'jj (423/2022) 21 § 2 momée'ntest jurddum sää'm äimmõs-suávtõõzz teáttvuáđ puu't'tummuž kuõskki jee'res tuáj lie:

1) ciálkmi ouddmõš jee'res še äimmõs-politiikk kuõskki vä'lddkááddlaž plaanin gu äimmõslää'jj 9—12 §:st jurddum plaanin;

2) teáttvuáđ puu't'tummuš meersaž äimmõs-politiikk vaaiktõõzzi árvvtõõllám da seu'rrjem diõtt sää'mkulttuur da sää'm vuõiggádvuõđi kiõččámkuu'lmest;

3) ciálkmi ouddmõš sá'mmlai dommvuu'd kuõskki pääiklaž äimmõspanee'lest le'be äimmõstooi'min;

4) nákam jee'res ko 1—3 páái'kest jurddum teáttvuáđ puu't'tummuš, káá'tt tuárjjad sää'mkulttuur äimmõsmuttâz tuõ'llstõõllmõõžžâst le'be äimmõsmuttsa šiotlõõvmmõõžžâst.

2 §

Norrõs

Sää'm äimmõs-suávtõõzzâst lie saaggjää'dteei, väärrsaaggjää'dteei di jäänmõsán láái jee'res vuázzi'žžed. Oo'ccmõsán pie'll äimmõs-suávtõõzz vuázziain álgg lee'd sää'm á'rbvuõđlaž teáđ vaaldšeei. Jeárraz äimmõs-suávtõõzz vuázzi á'l'g'ge ee'ttká'stted pírrõstiõttjid le'be jee'res äimmõs-suávtõõzz tuájai peá'lnn kõskksaž tiõdsuõ'rjid.

Saaggjää'dteei álgg ee'ttká'stted tiõdsuõ'rjid. Väärrsaaggjää'dteei álgg lee'd sää'm á'rbvuõđlaž teáđ vaaldšeei.

Äimmõs-suávtõõzzâst á'l'g'ge lee'd sää'm á'rbvuõđlaž teáđ vaaldšeei sá'mmlai dommvuu'd jee'res vuu'din da vuáittmõõžžâst mie'ldd sää'm jee'res kiõlljooukin.

3 §

Šiõttummuš da toi'mmpáá'jj

Riikksuávtõs šiottat sää'm äimmõs-suávtõõzz saaggjää'dteei da jee'res vuázziain neellj eeggas vuárstes pírrõsministeria e'tkkõõzz mie'ldd. Pírrõsministeria ráukk e'tkkõõzzid tiõdsuõ'rjid ee'ttkõ'stti vuázzi'žžen universitee'ttin, riikk tu'tk'keemstroittlin, äimmõs-suávtõõzz tuájai peá'lnn kõskksaž ämmatõllškooulin da Láá'dd äimmõspanee'lest.

Sää'mte'g'g valmstááll e'tkkõõzz äimmõs-suávtõõzz norrõssán á'rbvuõđlaž teáđ vaaldšee'ji peá'lnn. Pírrõsministeria da sää'mte'g'g sagstá'le e'tkkõõzz pírr. Sagstõõllmõõžžin jää'kket, máid sää'mte'g'ggest uvddum láá'jj (974/1995) 9 §:st šiotteet.

435/2023

4 §

Toi'mmjummuš

Sää'm äimmõs-suåvtõs va'lljad kõskkvuõdstes väärsaaggjää'dteei. Äimmõs-suåvtõs lij mie'rreemvåäldlaž, ko tu'mmstõktuõjju vuässá'tte saaggjää'dteei le'be oo'ccmõsån peä'l äimmõs-suåvtõõzz vuäzzlain.

Äimmõs-suåvtõõzz ciälklmid uu'det lää'ddkiõ'lle da sää'mkiõlivui'm.

5 §

Vuäzzlai toi'mmpåáj

Sää'm äimmõs-suåvtõõzz vuäzzli'žžen vuäitt toi'mmjed jäänmõsån kuõ'htt toi'mmpåáj keäččlõõžži.

6 §

Pa'lkkõõzz

Sää'm äimmõs-suåvtõõzz vuäzzli'žže mäåu'set ee'kkpa'lkkõõzz. Saaggjää'dteei pa'lkkõs lij 5 000 eu'rred, väärsaaggjää'dteei 3 000 eu'rred da vuäzzla 1 500 eu'rred.

7 §

Viõ'kkepuåttmõš

Tåt asetõs puått viõ'kke 1 peei'v njuhččmannust 2023.

He'Issnest 9.3.2023

Äggminister Pekka Haavisto

Halltõspiisar Karin Cederlöf